

Yum! by Susi Briggs

It wis a warm sunny day when wee Jenny went oot tae play.

In the gairden she had her lunch.

A cheese and lettuce piece tae munch.

She wis jist about tae drink her juice,

When up popped a hungry moose.

Moose says, “Whit’s in yer piece? Is that cheese?”

If it is, can I hae some please?”

Jenny broke a bit aff and gied her some.

Moose nibbled and nibbled.

Yum Yum Yum!

In the sky flew big black Crow. She landit oan the gairden waw

Crow says, “Oh a piece? I love breid!

Please can I hae a bit? That wid be guid.”

Jenny broke a bit aff and made some crumbs.

Crow pecked and pecked.

Yum Yum Yum!

Doon oan the grun Hairy Oobit crawled by.

He spied lettuce in the piece then let oot a sigh.

He sighed, “Ooh I love lettuce. Tasty and green.

Yon’s the crispiest lettuce I’ve ever seen.”

Jenny tore a bit aff and gied him some.

Hairy Oobit crunched and crunched.

Yum Yum Yum!

Jenny sat wi her freens unner the tree.

Aw were eatin happily.

It's guid tae gan ootside and play.

It's guid tae share whit ye hae.

It's guid tae fill up yer tum.

Nibble Peck

Munch Crunch

Yum Yum Yum!

Yum © Susi Briggs

www.scotshoose.com